

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 2215073512, 2215207231, 2315798929 որոշումները բեկանելու և վարչական իրավախախտումների վերաբերյալ գործերի վարույթները կարճելու մասին

<< 01 >> 02 2023թ. 7-13- 847

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սուրեն Չալաբյանի ՄԴ/3983-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Սուրեն Չալաբյանը (ծանուցման հասցե՝ ք.Երևան, Դավթաշեն վարչական շրջան, Դավթաշեն 4 թաղամաս, 41 շենք, 23 բնակարան) դիմումով հատնել է, որ <<VOLKSWAGEN>> մակնիշի 34QA182 հաշվառման համարանիշի տրանսպորտային միջոցը ավտոմեքենայի տարաժամկետումով առուվաճառքի պայմանագրով վաճառել է Զորայր Մաժինյանին, սակայն վերը նշված տրանսպորտային միջոցով կատարված ճանապարհային երթևեկության կանոնների խախտումների փաստերով որոշումը կայացվում են իր անվամբ և խնդրել է տրանսպորտային միջոցը հաշվառել գնորդ Զորայր Մաժինյանի անվամբ:

Դիմումի քննարկման արդյունքում պարզվել է, որ վարչական տույժ նշանակելու մասին վերը նշված որոշումները ենթակա են բեկանման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Նույն հոդվածի 2-րդ մասի համաձայն՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մե-

ղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Նույն հոդվածի 2-րդ մասի համաձայն՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

<<Վարչարարության հիմունքների և վարչական վարույթի մասին>> օրենքի 63-րդ հոդվածի 1-ին մասի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝

ա) օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով.

բ) կեղծ փաստաթղթերի կամ տեղեկությունների հիման վրա, կամ եթե ներկայացված փաստաթղթերից ակնհայտ է, որ ըստ էության պետք է ընդունվեր այլ որոշում.

գ) շահերի բախման իրավիճակում:

Վարչական տույժ նշանակելու մասին թիվ 2215073512, 2215207231, 2315798929 որոշումների իրավախախտումները հավաստող լուսանկարների մանրակրկիտ ուսումնասիրության արդյունքում պարզ է դառնում, որ վարչական տույժ նշանակելու մասին վերը նշված որոշումների մաս կազմող լուսանկարներում իրավախախտում կատարած և Սուրեն Չալաբյանի անվամբ հաշվառված տրանսպորտային միջոցների նույնականացումը բացասական արդյունքի է հանգեցրել, մասնավորապես՝ <<VOLKSWAGEN>> մակնիշի տրանսպորտային միջոցին հատկացված 34QA182 հաշվառման համարանիշը տեղադրված է այլ տրանսպորտային միջոցի վրա, ուստի, տվյալ պարագայում, Սուրեն Չալաբյանի անվամբ կայացված վարչական տույժ նշանակելու մասին թիվ 2215073512, 2215207231, 2315798929 որոշումները ենթակա են բեկանման:

Ինչ վերաբերում է դիմումատուի խնդրանքին՝ տրանսպորտային միջոցը հաշվառել Ջորայր Մաժինյանի անվամբ, ապա տրանսպորտային միջոցների գրանցման, հաշվառման և հաշվառումից հանման գործողությունները կատարվում են «Ճանապարհային երթևեկության անվտանգության ապահովման մասին» օրենքի և Հայաստանի Հանրապետության կառավարության 2010 թվականի սեպտեմբերի 9-ի N1251-Ն որոշման պահանջների համաձայն:

Հարկ է նշել, որ վերը նշված որոշման 2-րդ հավելվածի 16-րդ կետի 1-ին և 3-րդ ենթակետերի համաձայն՝ տրանսպորտային միջոցը հաշվառումից հանվում է տրանսպորտային միջոցի սեփականատիրոջ փոփոխության դեպքում, տրանսպորտային միջոցի խոտանման դեպքում: «Ճանապարհային երթևեկության անվտանգության ապահովման մասին» օրենքի 13-րդ հոդվածի 8-րդ մասի 2-րդ կետի «բ» ենթակետի համաձայն՝ տրանսպորտային միջոցի սեփականության իրավունքի պետական գրանցման համար ճանապարհային ոստիկանության իրավասու ստորաբաժանում պետք է ներկայանա (ներկայանան) միայն ձեռք բերողը (կամ նրա ներկայացուցիչը), եթե նա ներկայացնում է նոտարի վավերացրած օտարման պայմանագիր:

Հիմք ընդունելով վերոգրյալը՝ առանց տրանսպորտային միջոցը ձեռք բերողի ներկայանալու և սահմանված փաստաթղթեր ներկայացնելու հայցվող գործողության կատարումը հնարավոր չէ:

Հարկ է նշել նաև, որ 34QA182 հաշվառման համարանիշը 04.04.2022թ-ից գտնվում է հետախուզման մեջ:

Ելնելով վերոգրյալից և ղեկավարվելով «Ճանապարհային երթևեկության անվտանգության ապահովման մասին» օրենքի 13-րդ հոդվածի 2-րդ և 6-րդ մասերով, <<Վարչարարության հիմունքների և վարչական վարույթի մասին>> օրենքի 65-րդ հոդվածի 1-ին մասով, ինչպես նաև Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2215073512, 2215207231, 2315798929 որոշումները բեկանել և վարչական իրավախախտումների վերաբերյալ գործերի վարույթները կարճել:
2. Ճանապարհային ոստիկանության վարչական տույժ նշանակելու մասին թիվ 2215073512, 2215207231 որոշումներով նշանակված տուգանքների գումարների բռնագաժման պահանջով ՀՀ ԱՆ հարկադիր կատարումն ապահովող ծառայություն ուղարկված կատարողական վարույթներից հրաժարվել:
3. Սույն որոշումն ուժի մեջ է մտնում հանձնելու օրվան հաջորդող օրը և կարող բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Սուրեն Չալաբյանին և ՃՈ վարչական ակտերի կատարումն ապահովող բաժանմունք:

Կատարող՝ Անդրազյան
Հեռ. 011-544-783



Ե.Կարապետյան